



# MUJALKERIBE E ČHAVENGORO KINOBIKINIBE MANUŠENCAR

Informativnikano materiali e dajenge thaj dadenge ki polokheste te pendžaren o išaretia thaj te mujalkeren lengere čhave ma te oven viktimia taro kinobikinibe manušencar

Финансирано  
од Европската Унија и  
Советот на Европа



Имплементирано  
од Советот на Европа





Programakoro ofisi tar Evropakoro konsili ko Skopje,  
Bizniseskoro centari Soravia  
Filip Vtori Makedonski 3,  
1000 Skopje  
tel.: +38923100 333


Website: <http://horizontal-facility-eu.coe.int>  
E-mail: [horizontal.facility@coe.int](mailto:horizontal.facility@coe.int)  
[Facebook@jp.horizontal.facility](https://Facebook@jp.horizontal.facility)  
[Twitter@CoE\\_EU\\_HF](https://Twitter@CoE_EU_HF)

© 2020 Evropakoro konsili. Savore čaćimata si rezervisarde. Ni jekh rig andar kadaja publikacija našti te ovel boldini ande aver čhib, kopii sardi vaj dini maj dur ande orsavi forma vaj orsavo modo, elektronično (CD-Rom, Interneto, etc.) vaj mekaniko sar fotokopia, registracija vaj orsavi informacija garavdi vaj sar sistemo kaj rekuperil, bi te del pes i permisia xramosardes katar e Publikacijaki Divizija, e Komunikacijako Direktorato (F-67075, Strasbourg cedex or [publishing@coe.int](mailto:publishing@coe.int)).

Akaja brošura si kerdi finansiakere arkaja tar Evropakiri unia thaj Evropakoro konsili.  
O dikhina sikavde akate našti te len pe sar ofisialnikane gndipa tari nijek tare riga.

**O kinobikinibe manušencar** si globalnikano problemi kova kvalifikuinela pe sar došalipaskoro akti. Sebepi so kerela pe lafi baši viktimgengoro halainkeribe, o kinobikinibe manušencar gndinela pe sar pharo čhani taro phagipe o fundavne manušikne hakaja, sar so si o hako ko dživdipe, ko integriteti, ko digniteti, ko tromalipe, ki tromali alusarin thaj phiribe thaj aver hakaja. Sakova šaj te ovel viktimi taro kinobikinibe manušencar: čhave, romnja, roma bi dikhindor lengere berša, edukacia, darhi, raštralipe, dini ja etnikano prperibe.

\*Teli „čhavo“ haljovela pe sakova dženo kova si potikno taro 18 berša aso definicia tari Uniime naciengiri Konvencia baši čhavengere hakaja thaj i Evropakere konsileskiri Konvencia baši mujalkeribe o kinobikinibe manušenca.



**E čhavengoro kinobikinibe manušencar** haljovkerela eksploaatacia thaj bilačho istemarkeribe e čhaven kolea čhivela pe teli rumibaskoro šajdipe lengoro fizikano thaj psihikano sastipe thaj šukarhali, sar thaj lengoro avutno zuraribe thaj edukacia. Organizirinela pe telal upridikhin ja kontrola taro džene kolen si nesavo materialnikano ja aver kjari odolestar.

**I eksploaatacia** si šerutni resarin taro kinobikinibe manušencar. Odova haljovkerela: sesavo čhani seksualnikani eksploaatacia, pornografia, zorjardi buti, kherutno izmeti, halainluko ja praktike sar so si halainluko, zorea prandibe, mujalkanunikano adoptiribe, mangipe devleske, leibe organia.



O kinobikinutne manušencar bilače istemalkerena e čaveskoro biarakhutnipe. O čave šaj te oven kinobikinde pe phuvjate (andurno kinobikinibe manušencar), sar thaj avere phuvjate (transnacionalnikano kinobikinibe manušencar).

I bujakiri eksplatacia thaj i seksualnikani eksplatacia si o duj majbutdromengere čhania taro kinobikinibe manušencar.

E čhavengiri bujakiri eksplatacia thaj i seksualnikani eksplatacia šaj te gndinen pe sar majpharo čhani phagipe taro čhavengere hakaja kola mukena hor hrnevakeskere thaj lungEVAKTESKERE palunipa pali fizikano sastipe, psihikano zuraribe thaj psihosocialnikano šukarhali ko čhave.

I bujakiri eksplatacia thaj i seksualnikani eksplatacia haljovkerela istemalkeribe takati ja daravkeriba mujal o čave ja istemalkeribe o hali tari pakjiv ja athinalipe e čhavengoro kori nekoja trinto rig.

- I seksualnikani eksplatacia haljovkerela čhavengoro istemalkeribe baši prostitucia, keribe pornografikane materialia ja pornografikano leibe than.

- I bujakiri eksplatacia haljovkerela čhavengoro istemalkeribe bašo keribe kherutne bukja kola nane adekvatna bašo lende, baši fabrikakiri buti, baši tamiribaskiri buti ja nesavi aver dar buti.

I bujakiri eksplatacia thaj i seksualnikani eksplatacia cidljarena e čhaven taro lengoro čhavoripe thaj adekvatno edukacia thaj došakerena len ko dživdipe ko čorolipe thaj subordinacia.



## SAR ŠAJ O ČHAVE TE OVEN VIKTIMIA?

O čhave šaj te oven hovavde, atrakuime hovavne pakjivencar bašo majšukar dživdipe, te oven kidnapirime thaj zorjarde te kerem buti ja te oven seksualnikane bilačhe istemalkerde.

## SO KAMLA PE TE DŽANEN KI TUMARO ČHAVO MA TE OVEL VIKTIMI TARO KINOBIKINIBE MANUŠENCAR?

Džikobor notikergjen:

Iraniba ko čaveskoro vjavaharibe, sar so si:

- nakhibe taro biadžikerdo mudro ovibe ko butsikavdo baro hošibe
- bitipikano vjavaharibe baše čaveskere berša
- našalibe interesi baši sikljevni, amala, aktivipa
- butdroma geči resibe ki sikljevni ja bidžaibe ki sikljevni
- sikavena pe pharipa ko sikljevibe ja si le bilačhe notia
- na hramonela po kherutno savali
- nikaste na pakjala (našalela pi pakjiv thaj tumende)
- našti te kerel ja ikerel amalikane relacie pe jekajekberšalencar
- si ole love so na lejja tumendar
- ikljola kheraldan thaj iranelja pe khore ko geči saatia
- amalinea pophure manušencar kolen na pendžarena



- telo asari si taro pophure manuša
- na dela džovapia ko pučiba ja dela džovapi bičačutne informaciencar
- sikavela pašibe kori rizikano, darutno ja bikanunikano vjavaharibe
- sikavela čelalipaskoro vjavaharibe

Džikobor notikergjen:

- butdromeskere šereskere dukha, dukha ko vogi
- išaretia taro lungevakteskoro fizikano khindipe
- išaretia taro fizikano bilačho istemalkeribe (puknja, modrice ko badan) baši kolende nane le haljovkeribe
- o čavo si darutno, šašrdime, holjame, but ladžutno, deprimirime
- e čaveste si oscilacie ko ikeribe sama – I sama džala leske avere rigate
- o čavo našela taro lafikeribe
- e čave si hasardi dikhin, dezorientirime si ko than thaj vakti

Džikobor notikergjen kaj tumaro čavo:

- Nakhavela lungo vakti ko kompjuteri ja telefoni
- Istemalkerela socialnikane drakhina šubelime saikerinencar

- Butdroma lafikerela čorjale ko telefoni, a kana ka pučen kasar kerela lafi, hovavela tumen
- Ulavela mesažia, fotografie bipendžardencar, šubelime dženencar
- Ikljola jabandžencar, bipendžarde dženencar ja čave avena tumende khore
- Urjavela pe biadekvatno

#### **DŽIKOBOR NOTIKERGJEN NESAVO TAR AKALA IŠARETIA:**

Lafikeren e čhavea. Te na manglja te lafikerel ja vakerela aver bukja ( zaruri si te sikljol, khindo si t.a.) palemkeren tumaro rodipe thaj pakjiv den ole kaj šaj te vakerel tumencar. Džikobor na ulo khanči, lafikeren e sikavnencar, sasljarnea, socialnikane bukjarnea. Gndinen strategia sar te den arka e čaveske.

Džikobor gndinenka kaj si išaretia kola sikavena kaj o čavo si ki daruni situacia thaj šaj te ovel viktimi taro čavengoro kinobikinibe manušencar, sigate haberiden e policiake thaj konsultirinen tumaro e servisencar bašo čavengoro protektiribe.

Ko akava čhani, barabarutne takatencar ka den arka tumare čaveske thaj ka arakhen ole ma te ovel viktimi taro kinobikinibe manušencar.

Programakoro ofisi tar Evropakoro konsili ko Skopje,  
Bizniseskoro centari Soravia  
Filip Vtori Makedonski 3,  
1000 Skopje  
tel.: +38923100 333

Website: <http://horizontal-facility-eu.coe.int>  
E-mail: [horizontal.facility@coe.int](mailto:horizontal.facility@coe.int)  
[Facebook@jp.horizontal.facility](https://www.facebook.com/jp.horizontal.facility)  
[Twitter@CoE\\_EU\\_HF](https://twitter.com/CoE_EU_HF)

O Evropakoro konsili si lideri organizacia baše manušikane hakaja ko kontinenti. Saikerdi si tare 47 phuvja džene saikerindor sa e džene tar Evropakiri unia. Sa o phuvja džene ko Evropakoro konsili hramovinkergje I Evropakiri konvencia baše manušikane hakaja, phanlolafi kerdo te arakhel o manušikane hakaja, I demokratia thaj e kanuneskere regulative. O Evropakoro adalati baše manušikane hakaja upridikhela o ikeribe ko čačipe tari Konvencia ko phuvja džene.

[www.coe.int](http://www.coe.int)

O phuvja džene ki Evropakiri unia angje decizia te phanden maškar peste pe džanlipa, resursia thaj jazie. Barabar, ola tamiringje zona bašo stabiliteti, demokratia thaj ikeripaskoro zuraribe arakhindor o kulturnikano turlipe, toleranca thaj individualnikane tromalipa. I Evropakiri unia si obligime te ulavela o bukja so kamijabikerela thaj o moldipa e phuvjencar thaj manušencar avrijal taro lakere simantre.

[www.europa.eu](http://www.europa.eu)

Финансирано  
од Европската Унија и  
Советот на Европа



EUROPEAN UNION



COUNCIL OF EUROPE

Имплементирано  
од Советот на Европа



Akaja brošura si kerdi finanziakere arkaja tar Evropakiri unia thaj Evropakoro konsili.  
O dikhina sikavde akate našti te len pe sar oficialnikane gndipa tari nijek tare riga.